

# Geedka Giant Hogweed

*Heracleum mantegazzianum* Ka Tirsan Qoyska Parsley

## Tilmaamo lagu Aqoonsado

- Geedka weyn wuxuu ugu badnaan baliciisu gaaraa 2 foot, ubaxa sida dallada u eg waxaa si isku urrursan uga buuxa ubax yaryar oo cad
- Wuxuu leeyahay, jirid dhexda ka duleesha oo dhuuban oo dhexroorkedu yahay 2 ilaa 4 inches isagoo leh guntin kor u baxsan oo madow guduud xigeen ah-madow khafiif ah iyo timo cad
- Wuxuu dhererkiisu gaaraa 8 ilaa 15 feet marka uu ubaxa leeyahay
- Caleemaha waaweyn ee isku urrursan waa kuwo kala qaybsan, iyadoo balacoodu gaaro 3 ilaa 5 feet
- Timaha ku yaala qaybta hoose ee caleenta iyo jiridu waa kuwo adag, isku urrursan sidoo kalena adag
- Iniinyaha qiyaastoodu waa 3/8 inch, waxayna leeyihiin miro qalalan oo soo qallooca oo leh baalal iyo dhuun bararsan qoyan oo midabkeeda cawlan yahay.

## Bayoolajiga

Sida caadiga ah geedkan waa mid muddo badan jira, iyadoo ubuxu soo baxo sanadka 3-aad ama ka dib isagoo caadiyan dhinta markuu ubuxu ka soo baxo ka dib. Iniinyaha baalasha leh ee ay kala bixiyaan biyuhu, dhaqdhaqaaqa carrada ama xayawaanku; waxay noqon karaan kuwo ka muuqda carrada muddo ilaa 10 sano ah. Waxay soo baxdaa bilowga guga. Ubuxu wuxuu soo baxaa bartamaha bisha Maajo ilaa Luulyo dhexdeeda, iniinyuhu waxay bilaabaan in ay samaysmaan Luulyo dhexdeeda.

## Saameynta

**Khatarta weyn ee caafimaad ee uu bulshada u leeyahay.** Dheecaanka geedku wuxuu keeni karaa finanka maqaarka iyo xagtin joogto ah; waxaa suurto gal in ay sidoo kale dhacdo in iftiinka loo nuglaado. Wuxuu bara bixiyaa cawska la rabay, ee dhulka loogu yimid iyo dhirta miraha beeraha iyadoo ay sababtu tahay bixida uu sida aadka ah u baxo. Faa'iido cunto ama mid hoy uma laha duur-joogta. Wuxuu kordhin karaa nabaadguurka webiga iyo meelaha taaga ah isagoo beddelaya carradii illaalinaysay iyo dhirta markasta cagaaran iyo dhirta kaynta ah.

## Faafidda

Asal wuxuu ka soo jeedaa buuraha Caucasus Mountains. Inta badan waxaa laga helaa meelaha magaalooyinka, wadooyinka agtiisa, godadka, barxadaha aan la daryeelin iyo guryaha maran. Wuxuu jecel yahay carrada qaniga ah ee qoyan isagoo uu ku bixi kara iftiinka kala duwan. Isagoo soo saaraya iniinyo aad u badan mugdigana u adkaysta, wuxuu si dhakhso ah ula wareegaa webiga iyo hareeraha dooxyada, dhulka qoyan iyo togaga kaymaha leh.

## Maxaad Samayn Kartaa

Barnaamijka Xakamaynta Cawska Sunta ah ee Degaanka King wuxuu si firfircoon iskugu dayayaa in uu geedka giant hogweed ka ciribtirto meel kasta oo ku yaala degaanka. Hawsha dhankaaga ka wad adigoo geedka giant hogweed ka fiirinaya hantidaada. Joojinta iniinyaha soo baxay iyo baabi'inta geedaha hada jira, ku baahida ay dhulka ku baahaysaa hoos ayuu u dhici doonaa ama waa la tirtiri doona muddo marka la joogo.

## Su'aalo?

Barnaamijka Xakamaynta Cawska Sunta ah ee Degaanka King:  
206-477-WEED [www.kingcounty.gov/weeds](http://www.kingcounty.gov/weeds)

Cawska Sunta ah ee Heerka A:  
Dabargoynta ayaa la Rabaa



*Waxaad bartamaha bisha Maajo ilaa Luulyo raadisaa, ubaxa weyn ee dalada u eg, ee leh ubaxa cad.*



*Geedka giant hogweed wuxuu leeyahay, caleemo waaweyn oo oo kala qaybsan.*

## Hababka loo Xakamaynayo

Haddii aad ogaato in hanti aad leedahay uu baxo geedka giant hogweed, waxaad doorataa hababka loo xakamaynayo ee soo socda mid ka mid ah ama labadooda. **Geedkan wuxuu leeyahay khatar caafimaad oo weyn.** Waxaad xirataa dhar sax ah, kabo, iyo waxyaalaha indhaha lagu illaaliyo marka aad isku dayayso in aad qaato tallaabooyin aad ku xakamaynayso. **Mar kasta iska illaali in uu jirkaaga soo gaaro. Dheecaanka saafiga ah, ee biyaha oo kale ah ee ku jira caleemaha iyo jiridu wuxuu keeni karaa gubasho, finan iyo xagtin.**

### Gacanta laga qabanayo:

Geedaha qaangaarka ah waxaa lagu soo bixin karaa gacanta haddii ugu yaraan 4-6 inches ee bartamaha xididka la qodo. Geedaha yaryari waa kuwo adkaysi badan: marka ay si buuxda dhulka ugu baahaan, geedaha yaryar ee iniinyaha sidoo tooska uga soo baxa waxay tiradeedu noqon kartaa boqolaal waxaana laga yaabaa in ay kala daadato marka xoog loo soo goynayo iyadoo ay ugu wacan tahay carradda oo qabsanaysa, taasi oo xididka ka dhigayso in sii wado koritaanka. Waxaad xaqiijisaa in aad bac ku rido ubaxa iyo geedaha iniinyaha madaxa ku leh ku rido qashinka.

### Farsamo:

Jarida la jarayaa waxay kaliya mid waxtar leh noqon doontaa wakhti gaaban iyadoo ay tahay in labadii toddobaadba mar lagu celiyo. Ugu dambayntii, xididku hoos dhac ayaa ku imaan doonaa, laakiin waxaa laga yaabaa in muddo sanado ah qaadato. Ha isticmaalin mishiinka cawska lagu jiro ama ha jarin iyadoo la xiran yahay dhar la isku illaaliyo iyo kabo maahane—dheecaanka ka yimaada geedku wuxuu keeni karaa gubasho.

### Kiimikada:

**Waxaad raacdaa astaamaha ku qoran adigoo kaliya isticmaalaya waxyaabaha ku habboon ama loo ogol yahay goobta.** Kiimikada wax lagu buufiyo ee Glyphosate (sida Roundup) waa mid waxtar leh, laakiin waa kiimiko aan wax gaar ah loogu talagalay oo wax lagu buufiyo waxay sidoo kale dili doontaa cawska caadiga ee ka baxa meelaha la buufiyay. Meelaha qaawan oo aanay waxba kor saarnayn waxaa mar dambe ka buuxsami doona geedka hogweed ama caws kale sidaa darteed dib u beeridda dhirta ku habboon goobta ayaa lagu talinayaa. Kiimikada wax lagu buufiyo ee Triclopyr (sida Brush Killer) ayaa sidoo kale ah mid waxtar leh. Waa kiimiko gaar ah oo wax lagu buufiyo oo kaliya loogu talagalay in ay wax ka qabato dhirta caleemaha waaweyn leh, iyadoon wax dhibaata ah u keenaynin inta badan cawska ka baxa meesha wax lagu buufinayo. Kiimikada wax lagu buufiyo si firfircoon ugu istimaal dhammaan caleemaha iyo jirida korkeeda ee dhammaan dhirta baxaysa; jirida ha soo goyn ka dib markaad isticmaasho kiimikada wax lagu buufiyo iyadoo dhirta ka joojin doonta in ay soo nuugto waxyaalaha kiimikada ah. Meelaha ay iniinyuhu aadka uga buuxaan waxaa lagu xakamayn karaa kiimikada wax lagu buufiyo marka lagu jiro wakhtiga guga, iyadoo laga yaabo in mar dambe loo baahdo wakhtiga xagaaga ah marka ay soo biqlayaan.



*Soo jarida gacmaha la adeegsanayo waxay ka bilaabntaa jarida jiridaha.*



*Geedka cow parsnip markay baxayso way ka yar tahay geedka yar ee hogweed waxayna leedahay caleemo caato ah, jirido timo leh oo yar, oo aan sinayn.*

## Suuro galnimada in la isku qaldo:

**Geedka giant hogweed waxaa mararka qaarkood lagu qaldaa geedka cow parsnip (*Heracleum maximum*).**

Waxay ka baxdaa meel la mid halka uu ka baxo geedka giant hogweed, laakiin geedka cow parsnip waxay marar dhif ah dhaaftaa 6 feet waxayna leedahay ubax ka yar ka geedka kale leeyahay oo isku urursan. Sidoo kale, timaha ku yaala caleenta hoosteedu wa kuwo jilicsan, oo is dhaafdhaafsan sidoo kalena dhalaalaya. Si ka duwan geedka giant hogweed, in la xakameeyo looma baahna geedka cow parsnip, laakiin laba geedba waxay keeni karaan gubasho, sidaa darteed iska illaali in uu ku soo gaaro dheecaanku.